

Hanya 50 pernah tinggalkan Islam tapi mereka sudah bertaubat

— Mahathir

JITRA 10 Dis. — Perdana Menteri, **Datuk Sri Dr. Mahathir** berkata hanya 50 orang meninggalkan agama Islam di negara ini dan mereka sudahpun bertaubat.

Katanya, mereka berbuat demikian, mungkin berpunca dari kemiskinan dan kedudukan ekonomi yang tidak kuat.

"Mereka sedang dipulih semula, mereka sudah sedar dan bertaubat," jelas Datuk Sri Dr. Mahathir ketika merasmikan kursus kesedaran Islam dihadiri kira-kira 1,000 orang di Masjid Al-Aqila di sini pagi ini.

Serentak dengan itu, beliau sekali lagi menolak dakwaan kononnya

66,000 orang umat Islam telah menukar agama.

Dakwaan kononnya terdapat 66,000 orang umat Islam di negara ini menukar agama lain pernah ditimbulkan oleh Yang Dipertua Agung PAS, Haji Yusof Rawa tidak lama dulu.

Dalam ucapannya Perdana Menteri juga menyeru umat Islam supaya dapat mengembangkan ajaran Islam bukan saja di kalangan orang - orang Islam tetapi juga di kalangan orang - orang bukan Islam.

"Sama ada mereka akan memeluk agama Islam atau tidak, itu adalah soal lain," tambahnya.